



**POSLOVNIK O RADU
KOMISIJE ZA PROVOĐENJE POSTUPKA PRIJEMA RADNIKA U RADNI ODNOS NA
RADNO MJESTO STRUČNI SARADNIK ZA STRUČNO - OPERATIVNI RAD NA
VETERINARSKOM INSTITUTU, PODORGANIZACIONA JEDINICA VETERINARSKI
INSTITUT, LABORATORIJ ZA ISPITIVANJE REZIDUA I KVALITETA HRANE
(1 IZVRŠILAC)**

Sarajevo, maj 2024. godine

Adresa: Veterinarski fakultet Veterinary faculty
Address: Zmaja od Bosne 90 Zmaja od Bosne 90
71 000 Sarajevo 71 000 Sarajevo
Bosna i Hercegovina Bosnia and Herzegovina

Tel: ++ 387 (0)33 729100
Fax: ++ 387 (0)33 617850
E-mail: info@vfs.unsa.ba
Web: www.vfs.unsa.ba

Na osnovu člana 8. st. (8) i (10) Uredbe o postupku prijema u radni odnos u javnom sektoru na teritoriji Kantona Sarajevo („Službene novine Kantona Sarajevo“, br.: 19/21, 10/22 i 28/23) i Odluke dekana Fakulteta broj: 02-09-212-1/24 od 23.02.2024. godine, Komisija za provođenje postupka prijema u radni odnos radnika na Univerzitetu u Sarajevu – Veterinarskom fakultetu imenovana Odlukom dekana Fakulteta broj: 02-16-109-11/24 od 26.04.2024. godine, na svojoj konstituirajućoj sjednici održanoj 31.05.2024. godine, donosi

**POSLOVNIK O RADU
KOMISIJE ZA PROVOĐENJE POSTUPKA PRIJEMA U RADNI ODNOS RADNIKA NA
RADNO MJESTO STRUČNI SARADNIK ZA STRUČNO - OPERATIVNI RAD NA
VETERINARSKOM INSTITUTU, PODORGANIZACIONA JEDINICA VETERINARSKI
INSTITUT, LABORATORIJ ZA ISPITIVANJE REZIDUA I KVALITETA HRANE
(1 IZVRŠILAC)**

I – OPĆE ODREDBE

Član 1.

(Predmet Poslovnika)

- (1) Ovim Poslovníkom se bliže uređuju nadležnosti, način rada Komisije za provođenje postupka prijema u radni odnos radnika (u daljnjem tekstu: Komisija), provođenja procedure izbora kandidata za prijem u radni odnos za radno mjesto **stručni saradnik za stručno - operativni rad na Veterinarskom institutu, podorganizaciona jedinica Veterinarski institut, Laboratorij za ispitivanje rezidua i kvaliteta hrane (1 izvršilac na neodređeno vrijeme, puno radno vrijeme)**, kao i druga pitanja od značaja za rad Komisije.
- (2) Izrazi koji se koriste u ovom poslovniku, a imaju rodno značenje koriste se neutralno i odnose se jednako na ženski i muški rod.

Član 2.

(Načela)

- (1) Rad Komisije se zasniva na načelima nezavisnosti, nepristrasnosti, javnosti i zakonitosti.

Član 3.

(Propisi)

Komisija provodi proceduru prijema u radni odnos radnika u skladu sa Zakonom o radu (“Službene novine Federacije BiH”, br.: 26/16, 89/18 i 44/22), Zakonom o dopunskim pravima boraca – branitelja BiH („Službene novine KS“ br.: 31/22 i 8/24), Uredbom o postupku prijema u radni odnos u javnom sektoru na teritoriji Kantona Sarajevo („Službene novine Kantona Sarajevo“, br.: 19/21, 10/22 i 28/23), (u daljnjem tekstu: Uredba), Pravilnikom o radu Univerziteta u Sarajevu broj: 02-2-4-1/24 od 30.01.2024. godine, Uredbom o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevu i općinama u Kantonu Sarajevo („Službene novine Kantona Sarajevo“, br.: 37/20 i 27/21), Instrukcijom o bližoj primjeni kriterija vrednovanja prema Uredbi o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo („Službene novine Kantona Sarajevo“, br.: 38/20 i 28/21).

Član 4.

(Javni oglas)

- (1) Javni oglas se objavljuje u jednim dnevnim novinama koje se distribuiraju na teritoriji Federacije Bosne i Hercegovine, na internet stranici JU „Služba za zapošljavanje Kantona Sarajevo“ Sarajevo, internet stranici Univerziteta u Sarajevu i internet stranici Univerziteta u Sarajevu – Veterinarskog fakulteta.
- (2) Na internet stranicama se objavljuje puni tekst javnog oglasa, a u dnevnim novinama će se objaviti obavijest o javnom oglasu.

Član 5.

(Poslovník o radu)

Komisija donosi poslovnik o radu i dostavlja ga odgovornom licu kod poslodavaca odmah, a najkasnije u roku od tri dana od dana donošenja, a koji je dužan dan nakon objavljivanja javnog oglasa poslovnik objaviti na internet stranici Univerziteta u Sarajevu i internet stranici Univerziteta u Sarajevu – Veterinarskog fakulteta i isti zadržati sve do okončanja procedure i donošenja odluke o prijemu u radni odnos.

Član 6.

(Sastav i konstituiranje Komisije)

- (1) Komisija se imenuje u skladu sa članom 8. Uredbe i sastavljena je od 3 (tri) člana.
- (2) Rješenjem o imenovanju Komisije imenuje se i zamjenik koji u radu Komisije može mjenjati i predsjednika/člana Komisije.
- (3) Komisija se konstituira na svojoj prvoj sjednici.
- (4) Prvu sjednicu Komisije saziva predsjednik Komisije kojoj obavezno prisustvuje i imenovani supervizor.
- (5) Ukoliko neko od članova Komisije bude spriječen da vrši svoju dužnost angažirat će se zamjenik predsjednika/člana Komisije.
- (6) Članovi, zamjenik i sekretar Komisije dužni su čuvati službenu tajnu i druge povjerljive podatke koje saznaju u obavljanju svoje dužnosti.
- (7) Članovi, zamjenik i sekretar Komisije na konstituirajućoj sjednici Komisije potpisuju izjavu o nepristrasnosti, povjerljivosti i nepostojanju sukoba interesa.

Član 7.

(Izuzeće članova Komisije)

- (1) U skladu sa članom 10. Uredbe član Komisije će odmah ili najkasnije dva dana od dana saznanja za razloge izuzeća zatražiti izuzeće od rada u Komisiji, ukoliko je srodnik nekog od prijavljenih kandidata u pravoj ili pobočnoj liniji do četvrtog stepena i u tazbinskoj liniji do drugog stepena, bračni ili vanbračni partner, usvojlac ili usvojenik.
- (2) Po zahtjevu za izuzeće iz stava (1) ovog člana poslodavac donosi odluku o izuzeću najkasnije u roku od tri dana od dana podnošenja zahtjeva, a protiv ove odluke žalba nije dopuštena.

II – NADLEŽNOSTI I NAČIN RADA KOMISIJE

Član 8.

(Nadležnosti Komisije)

- (1) Komisija je nadležna da:
 - a) provede proceduru izbora kandidata,
 - b) donese poslovnik o radu i dostavi ga odgovornom licu kod poslodavca odmah, a najkasnije u roku od tri dana od dana donošenja,
 - c) definira pitanja po oblastima iz kojih će se izvršiti provjera znanja (pismeni, usmeni i praktični ispit) i način vrednovanja pismenog, usmenog i praktičnog ispita,
 - d) pregleda sve pristigle prijave i dostavljene dokaze,
 - e) utvrđuje ispravnost pristiglih prijava i dostavljenih dokaza,
 - f) sastavi spisak kandidata među kojima će se provesti izborni postupak,
 - g) spisak kandidata među kojima će se provesti izborni postupak potpisuju svi članovi Komisije,
 - h) pismenim putem obavijesti kandidate čija dokumentacija nije ispravna, da nisu na spisku kandidata među kojima će se provesti izborni postupak sa navođenjem razloga neispravnosti

dokumentacije, uz mogućnost uvida u dostavljenu dokumentaciju, u roku od tri dana od dana prijema obavijesti,

- i) provede pismeni, usmeni i praktični ispit u okviru izbornog postupka,
 - j) izvrši bodovanje kandidata prema rezultatima postignutim na pismenom, usmenom i praktičnom ispitu u okviru izbornog postupka,
 - k) sačini Listu uspješnih kandidata na osnovu utvrđenih bodova na pismenom, usmenom i praktičnom ispitu i utvrđene prednosti po osnovu posebnih propisa iz člana 19. Uredbe i istu dostavi poslodavcu zajedno sa potpisanim zapisnicima o radu Komisije u roku od tri radna dana nakon obavljenog usmenog ispita,
 - l) omogući učešće supervizora u obavljanju njegovih poslova koji se odnose na nadzor nad provođenjem postupka prijema u radni odnos.
- (2) Komisija je dužna svoj rad koordinirati sa nadležnostima supervizora utvrđenim Uredbom.

Član 9.

(Mjesto zasjedanja Komisije)

Mjesto zasjedanja Komisije je na Univerzitetu u Sarajevu – Veterinarskom fakultetu, ulica Zmaja od Bosne 90, Sarajevo.

Član 10.

(Način rada Komisije)

- (1) Komisija je u svom radu nezavisna.
- (2) Svi članovi Komisije su dužni aktivno učestvovati u radu Komisije.
- (3) Komisija zasjeda u punom sastavu prilikom provođenja procedure - otvaranje prijave, pregled i razmatranje dokumentacije, provođenje pismenog, usmenog i praktičnog dijela ispita, vrednovanja kandidata koji ostvaruju prioritet u zapošljavanju.
- (4) Predsjednik Komisije otvara sjednicu i utvrđuje da li su ispunjeni uslovi za rad, odnosno da li su prisutni svi članovi Komisije.
- (5) Ukoliko nisu ispunjeni uslovi za rad odredit će se novi termin održavanja sjednice Komisije.
- (6) Administrativno - tehničke poslove obavlja sekretar Komisije.
- (7) Dokumentacija Komisije u vezi sa provođenjem postupka prijema u radni odnos se čuva na Fakultetu u skladu sa propisima o arhivskom i kancelarijskom poslovanju.

Član 11.

(Pružanje pomoći Komisiji)

Ukoliko je potrebno Komisija u svoj rad može uključivati i druga stručna tijela i kompetentna lica poslodavca, kao pomoć u radu povremeno ili u kontinuitetu, koja svojim učešćem ne narušavaju prava i obaveze stalnih članova Komisije.

Član 12.

(Vođenje zapisnika)

- (1) O toku sjednice Komisije sekretar Komisije vodi zapisnik.
- (2) Zapisnik obavezno sadrži datum, mjesto, vrijeme održavanja sjednice i osnovne podatke o toku sjednice (sažeto izlaganje, prijedloge, konstatacije, zaključke, rezultate bodovanja).
- (3) Predsjednik i članovi Komisije imaju pravo dati primjedbe na zapisnik te zahtijevati da njegova primjedba bude unesena u zapisnik.
- (4) Zapisnik potpisuju predsjednik, članovi i sekretar Komisije.

III – PROVOĐENJE PROCEDURE IZBORA KANDIDATA

Poglavlje A – Postupanje Komisije po pristiglim prijavama

Član 13.

(Razmatranje pristiglih prijava)

- (1) U skladu sa članom 11. Uredbe po isteku roka za podnošenje prijave na javni oglas Komisija pregleda sve pristigle prijave i dostavljene dokaze, utvrđuje njihovu ispravnost i sastavlja spisak kandidata među kojima se provodi izborni postupak.
- (2) Spisak kandidata iz stava (1) ovog člana potpisuju svi članovi Komisije.

Član 14.

(Utvrdjivanje ispravnosti pristiglih prijava)

Komisija utvrđuje ispravnost prijave shodno odredbama teksta javnog oglasa koje se odnose na obavezu dostave potrebne dokumentacije i ispunjavanja posebnih uvjeta propisanim Pravilnikom o unutrašnjoj organizaciji i sistematizaciji radnih mjesta na Univerzitetu u Sarajevu – Veterinarskom fakultetu.

Član 15.

(Postupanje Komisije sa neispravnim prijavama)

U skladu sa članom 11. Uredbe Komisija pismenim putem obavještava kandidate čija dokumentacija nije ispravna, da nisu na spisku kandidata među kojima se provodi izborni postupak sa navođenjem razloga neispravnosti dokumentacije, uz mogućnost uvida u dostavljenu dokumentaciju u roku od tri dana od dana prijema obavijesti.

Poglavlje B – Definiranje pitanja za pismeni, praktični i usmeni ispit i način provođenja ispita

Član 16.

(Obavještavanje kandidata – pismeni ispit)

- (1) Komisija će o datumu, vremenu i mjestu održavanja pismenog ispita obavijestiti kandidate pismenim putem i putem oficijelne internet stranice Univerziteta u Sarajevu – Veterinarskog fakulteta na <https://vfs.unsa.ba> (u dijelu Info - Konkursi), nakon isteka roka za prijavu na javni oglas.
- (2) Ukoliko Komisija iz opravdanih razloga promjeni termin održavanja pismenog ispita dužna je o istom kandidate obavijestiti na način utvrđen u stavu (1) ovog člana i putem e-mail.

Član 17.

(Odustajanje od prijave – pismeni ispit)

U slučaju da kandidat ne pristupi polaganju pismenog ispita smatrat će se da je odustao od prijave na javni oglas.

Član 18.

(Sadržaj pismenog ispita i bodovanje)

- (1) Pitanja za pismeni ispit će se odnositi na provjeru znanja iz sljedećih oblasti:
 - Predznanje o poslovima radnog mjesta;
 - Opća informiranost o sistemu akreditacije laboratorija;
 - Opća informiranost o legislativi iz oblasti sigurnosti hrane;
 - Opća informiranost o radu laboratorija koje se bave kontrolom hrane.
- (2) Pitanja za pismeni ispit koji će trajati 45 minuta će se nalaziti na listu formata A4 sa memorandumom Fakulteta.
- (3) Pitanja na pismenom ispitu su istovjetna za sve kandidate koji se prijavljuju na istu poziciju.
- (4) Svaki tačan odgovor iznosi 10 (deset) bodova, a netačan odgovor nosi 0 (nula) bodova.



- (5) Pitanja će biti koncipirana tako da će biti ponuđena četiri odgovora pod a), b), c) i d) od kojih je samo jedan tačan.
- (6) Na pismenom dijelu ispita bit će postavljeno ukupno 6 (šest) pitanja.
- (7) Komisija će vršiti bodovanje u skladu sa članom 8. stav (10) Uredbe u kojem je naznačeno da se pismeni ispit može vrednovati sa najmanje 60%, a najviše 70% od ukupnog broja bodova.
- (8) Svaki član Komisije, bez prisustva kandidata, ocjenjuje kandidata, a ocjene se upisuju na bodovnu listu kandidata.
- (9) Lista pitanja, propisa i literature za pismeni ispit bit će objavljena na oficijelnoj internet stranici fakulteta <https://vfs.unsa.ba> (u sekciji Info – Konkursi), a zainteresirani kandidati liste mogu preuzeti i u prostorijama Fakulteta.

Član 19.

(Obavješćavanje kandidata – praktični ispit)

Komisija će kandidate koji se nalaze na spisku među kojima će se provesti dalji izborni postupak po zvršetku ocjenivanja i sumiranja rezultata pismenog dijela ispita pozvati na održavanje praktičnog dijela ispita.

Ukoliko Komisija iz opravdanih razloga promjeni termin održavanja praktičnog ispita dužna je o istom kandidate obavijestiti odmah na licu mjesta ukoliko je isti planiran nakon održavanja pismenog dijela ispita odnsono pisanim putem ili putem telefona/e-maila.

Član 20.

(Odustajanje od prijave – praktični ispit)

U slučaju da kandidat ne pristupi polaganju praktičnog ispita smatrat će se da je odustao od prijave na javni oglas.

Član 21.

(Sadržaj praktičnog ispita i bodovanje)

Praktični ispit će se sastojati od praktičnog izvođenja faze metode ispitivanja za kontrolu meda (priprema uzorka za analizu, priprema standarda i mobilnih faza).

Rezultat praktičnog ispita će se vrednovati na skali od 0(nula) do 20(dvadeset) bodova.

Svaki član Komisije, bez prisustva kandidata, ocjenjuje kandidata, a bodovi se upisuju na bodovnu listu kandidata.

Član 22.

(Obavješćavanje kandidata – usmeni ispit)

- (1) Komisija će o datumu, vremenu i mjestu održavanja usmenog ispita obavijestiti kandidate pismenim putem i putem oficijelne internet stranice Univerziteta u Sarajevu – Veterinarskog fakulteta na <https://vfs.unsa.ba> (u dijelu Info - Konkursi), nakon isteka roka za prijavu na javni oglas.
- (2) Ukoliko Komisija iz opravdanih razloga promjeni termin održavanja usmenog ispita dužna je o istom kandidate obavijestiti na način utvrđen u stavu 1. ovog člana i putem e-maila.

Član 23.

(Odustajanje od prijave – usmeni ispit)

U slučaju da kandidat ne pristupi polaganju usmenog ispita smatrat će se da je odustao od prijave na javni oglas.

Član 24.

(Sadržaj usmenog ispita i način bodovanja)

- (1) Pitanja za usmeni ispit će se odnositi na provjeru znanja iz sljedećih oblasti:
 - Predznanje o poslovima radnog mjesta;
 - Opća informiranost o sistemu akreditacije laboratorija;
 - Opća informiranost o legislativi iz oblasti sigurnosti hrane;
 - Opća informiranost o radu laboratorija koje se bave kontrolom hrane;
 - Motivacija za prijavu za predmetni oglas.

- (2) Na usmenom ispitu bit će postavljena 2 (dva) pitanja.
- (3) Članovi Komisije boduju odgovore kandidata na skali od 0 do 10 (deset) bodova.
- (4) Svaki član Komisije, bez prisustva kandidata, ocjenjuje kandidata, a ocjene se upisuju na bodovnu listu kandidata.
- (5) Svim kandidatima se postavljaju pitanja istog sadržaja.

Član 25.

(Sačinjavanje liste uspješnih kandidata)

- (1) Komisija na osnovu utvrđenih bodova na pismenom, praktičnom i usmenom ispitu i utvrđene prednosti po osnovu posebnih propisa sačinjava Listu uspješnih kandidata koju dostavlja poslodavcu u roku od tri radna dana nakon obavljenog usmenog ispita.
- (2) Lista uspješnih kandidata sadrži napomenu po kojem osnovu su kandidati s prioritetom pri zapošljavanju ostvarili dodatne bodove.

Član 26.

(Odgovornost članova Komisije)

- (1) Članovi Komisije imaju kolektivnu i individualnu odgovornost u provođenju postupka prijema u radni odnos.
- (2) Članovi Komisije za svoj rad odgovaraju dekanu Fakulteta.

IV – PRELAZNE I ZAVRŠNE ODREDBE

Član 27.

(Supsidijarna primjena propisa)

Na sva pitanja koja nisu uređena ovim poslovníkom primjenjuje se Uredba i drugi propisi koji uređuju predmetnu oblast, odnosno predmetna pitanja.

Član 28.

(Stupanje na snagu)

Ovaj poslovnik stupa na snagu danom donošenja i objavit će se na internet stranici Univerziteta u Sarajevu i Univerziteta u Sarajevu - Veterinarskog fakulteta, u skladu sa članom 8. Uredbe i bit će dostupan do donošenja odluke o prijemu u radni odnos.

KOMISIJA:

1. Prof. dr. Almedina Zuko, predsjednik

2. Prof. dr. Enida Članjak - Kudra, član

3. Prof. dr. Adnan Jažić, član

Broj: 02-16-109-29 /24
Sarajevo, 31.05.2024. godine